



MEĐURELIGIJSKO VIJEĆE U BOSNI I HERCEGOVINI  
МЕЂУРЕЛИГИЈСКО ВИЈЕЋЕ У БОСНИ И ХЕРЦЕГОВИНИ  
*Interreligious Council in Bosnia-Herzegovina*

## **Poziv za dodjelu malih grantova za mlade**

Jačanje međureligijskog dijaloga u Bosni i Hercegovini (SID)

Međureligijsko vijeće u Bosni i Hercegovini (MRV) objavljuje javni poziv za male grantove za 15 odbora za međureligijsku suradnju (OMS). Mali grantovi će se dodjeljivati na temelju prijedloga za promociju međureligijskog dijaloga koje odbori dostave. Aktivnosti koje će se podržati kroz male grantove omogućit će vjerskim službenicima da rade zajedno sa mladima u svojim lokalnim zajednicama te da jačaju međusobne odnose. Mali grantovi će se dodjeljivati kroz projekt: Jačanje međureligijskog dijaloga u BiH (SID).

Poziv za prijedloge projekata je otvoren od **18. juna/lipnja do 08. jula/srpnja**. U 2018. odbori mogu aplicirati na male grantove u iznosu **od 2.283,00**. Svaki odbor može aplicirati na ukupno dva mala granta za mlade, ukoliko je treći grant za žene.

Ukoliko odbor procijeni da je projekat koristan za lokalnu zajednicu i promovira međureligijski dijalog, a izlazi iz okvira budžeta malog granta u iznosu od 2.283,00 KM, odbor takvom projektu može dodijeliti iznos sredstava drugoga malog granta za mlade kako bi došlo do kvalitetnije provedbe projekta. U tom slučaju ukupna sredstva za grant iznose 4.566,00 KM.

### **Kriteriji za dodjelu malih grantova**

#### **Uvjeti:**

- Zahtjev za mali grant mora podnijeti odbor. Zahtjev za male grantove moraju podnijeti najmanje 2 osobe, koje čine grupu podnositelja zahtjeva za mali grant;
- Zahtjev za grant mora biti odobren od strane svih članova OMS-a u skladu s Pravilnikom o odborima i dobroj praksi MRV BiH;
- Zahtjev za mali grant se odnosi na aktivnosti pozitivnog međureligijskog dijaloga i pomirenja;
- U realizaciji aktivnosti koje se finansiraju malim grantom sudjeluju različite vjerske grupe;
- Zahtjevi za male grantove obuhvataju aktivnosti koje su usmjerene na promoviranje i poticanje međureligijskog dijaloga i izgradnje mira. Takve aktivnosti su dijalog,

zajedničke radionice o izgradnji mira ili zajedničke aktivnosti kojima se promovira međureligijski dijalog;

- Mali grantovi se realiziraju na teritoriji jednog ili više odbora/općina uključenih u projekt SID;
- Lokalni odbor, odnosno zajednica imaju korist od malog granta;
- Iznos sredstava koji se traži ne može biti ispod 2.283,00 KM niti više od 4.566,00 KM;
- Mali grant mora biti izvodljiv u pogledu predviđenih sredstava, vremena i ljudskih resursa;
- Mali grant od 2.283,00 KM se realizira u periodu do maksimalno 45 dana;
- Grant od 4.566,00 KM realizira se u periodu do 90 dana, a maksimalno do 120 dana;
- Zahtjevi za male grantove koordinirat će se s članovima odbora, odnosno lokalnim vjerskim službenicima i dostaviti u pisanom obliku na na zvaničnu e-mail adresu MRV-a ili u krajnjem slučaju putem pošte/faxa.

#### **Kriteriji za diskvalifikaciju:**

- Ako se malim grantovima podržavaju projekti koje su osmislile političke stranke u zajednicama;
- Mali grantovi koji pozivaju na bilo koji vid nasilja i diskriminacije i koji promoviraju zloupotrebu alkohola ili narkotika ili nezdrav način života;
- Plaće i naknade članovima grupe koje realiziraju mali grant;
- Doprinosa za koordinatora projekta koji prelazi 10% ukupno dodijeljenih sredstava;
- Operativni i administrativni troškovi koji prelaze 10% ukupno dodijeljenih sredstava;
- Troškovi nabavke elektronske opreme (foto-aparati, kompjuteri, laptopi, kopir aparati, i sl.) u iznosu koji prelazi 30% ukupno dodijeljenih sredstava;
- Troškovi veći od 200 KM koji se ne mogu platiti putem banke; i
- Najam opreme (bilo koje vrste) od fizičkog lica.

#### **Posebni kriteriji za dodjelu malih grantova za potporu mladih**

Međureligijsko vijeće u BiH bavi se međureligijskim dijalogom, kako na institucionalnoj razini tako i na razini ljudskih odnosa i izgradnje civilnog društva kroz svakodnevne aktivnosti međureligijskog dijaloga, a sve u cilju poštivanja vjerskih tradicija i struktura crkava i vjerskih zajednica. Primarna ciljna skupina MRV-a su ljudi koji vjeruju, odnosno koji svoj život i svjetonazor temelje na tradiciji svoje crkve i vjerske zajednice. Vjerski službenici će unutar odbora predložiti mlade i motivirati aktiviste kako bi postali članovi neformalnih grupa mladih, koji će učestvovati u aktivnostima, posebno one koje se odnose na male grantove, i koji će se uvezivati kako bi uključili i druge mlade u rad odbora.

### *Posebni kriteriji za male grantove za potporu mladima:*

- Predloženi projekt mora uključivati definiranu ciljanu populaciju mladih iz poziva za dodjelu malih grantova
- Predložene projektne aktivnosti moraju biti prilagođene populaciji mladih
- Predloženi projekt realiziraju mladi iz različitih crkava i vjerskih zajednica
- Predloženi projekt se može ponoviti u drugim lokalnim odborima
- Predloženi projekt promovira aktivizam mladih

#### **1.1 Profil ciljane populacije mladih**

MRV će se fokusirati na mlade dobi od 15 do 30 godina, s određenim odstupanjima u pojedinačnim slučajevima.<sup>[1]</sup> [1] Međureligijsko vijeće će koristiti sljedeće kriterije za odabir učesnika:

- Spremnost na saradnju s omladinom iz različitih vjerskih zajednica;
- Interes za volontiranje i rad u zajednici;
- Spremnost za sudjelovanje u procesu pomirenja i izgradnje mira;
- Aktivno učešće u svojim vjerskim zajednicama; i
- Spremnost za učenje i provedbu aktivnosti vezanih za male grantove.

Nadalje, lokalni odbori MRV-a će predložiti sljedeće mlade osobe na temelju profila ciljane populacije mladih:

- mladi koji su trenutno angažirani i prepoznati kao aktivisti u lokalnim odborima
- mladi koji su vjernici
- mladi koji iskazuju potencijal da postanu lideri u svojim zajednicama
- mladi koji bi se željeli više angažirati u međureligijskom dijalogu u svojim odborima i lokalnoj zajednici
- mladi u zajednici koji su zainteresirani da saznaju više o međureligijskom dijalogu
- mladi koji nisu upoznati s radom MRV-a

#### **Kako, komu i kada poslati prijedlog malog projekta?**

- Odbori svoje prijedloge projekata šalju putem e-maila: [office@mrv.ba](mailto:office@mrv.ba) ili putem pošte/faxa

---

<sup>[1]</sup> Određeni se lokalni odbori suočavaju s problemom migracije mladih i nemaju omladine starosne dobi od 15 do 30 godina koje bi mogli uključiti kao aktiviste odbora. U takvim slučajevima, u projekt će se pored mladih koji su stariji od 30 godina (do 35 godina starosti) uključiti i mlađe osobe (od 12 do 14 godina starosti).

- Ažuriranje prijedloga malog projekta ne bi trebalo biti duže od 5 dana nakon što je odbor obaviješten i zatražen za dodatna pojašnjenja

### **Odabir i rezultati**

Komisija za odabir malih grantova (koja je sačinjena od članova iz MRV-a i CRS-a) će napraviti odabir projekata najkasnije 15 dana od dana prijema prijedloga projekta. Tokom ovog procesa, odbori će biti kontaktirani kako bi eventualno pružili dodatna objašnjenja prijedloga projekta. Svi rezultati će biti objavljeni na stranici MRV-a, a odbori će sukcesivno po zasjedanju komisije biti obaviješteni o svojoj aplikaciji. Nakon objavljivanja rezultata, odbori imaju pravo žalbe u roku od 5 dana od pismene obavijesti o prihvatanju ili odbijanju prijedloga projekta. O žalbi razmatra Izvršni odbor MRVa na prvoj sljedećoj sjednici.